



ԱՌԱՋՆՈՐԴԱՐԱՆ ՀԱՅՈՑ

Ա.Ս. ՆԱՅԱՆՎՆԵՐՈՒ ԱՐԵՄՍՏԵԱՆ ԹԵՄԻ

WESTERN PRELACY

OF THE ARMENIAN APOSTOLIC CHURCH OF AMERICA

H.E. ARCHBISHOP MOUSHEGH MARDIROSSIAN, PRELATE

Tel: 818-248-7737/8, Fax: 818-248-7745

E-mail: Prelacy@aol.com Website: www.westernprelacy.org



ԱՌԱՋՆՈՐԴ ՍՐԲԱՉԱՆԸ ԸՆԴՈՒՆԵՑ ՓԱՍԱՏԻՆԱՅԻ ՍԱՀԱԿ-ՄԵՍՐՈՊ ՀԱՅ ԔՐԻՍՏՈՆԵԱԿԱՆ ՎԱՐԺԱՐԱՆԻ ԾՆՈՂՆԵՐԷՆ Ս. ԳՐՈՑ ԽՄԲԱԿԸ

Երեքշաբթի, 20 Փետրուարի կեսօրին, Ազգային Առաջնորդարանին մէջ ստեղծուեցաւ հոգեւոր մթնոլորտով յիշատակելի պահ մը, երբ Թեմիս բարեխնամ Առաջնորդ Բարձր. Ս. Սուշեղ Արք. Մարտիրոսեան ընդունեց այցելութիւնը Փասատինայի Սահակ-Մեսրոպ Հայ Ԕրիստոնէական Վարժարանի ծնողներէն խումբ մը, գլխաւորութեամբ վարժարանի մանկապարտեզի վարիչ Տիկին Ռիթա Դաւիթեանի: Խումբին անդամները մաս կը կազմեն վարժարանի յարկին տակ տեղի ունեցող Ս. Գրոց սերտողութեան պահերուն հետեւողներուն: Առաջնորդ Սրբազանին կողքին, հիւրընկալման ներկայ եղան Ազգ. Առաջնորդարանի Ԕրիստոնէական Դաստիարակութեան բաժանմունքի վարիչները՝ Գերպ. Ս. Միւռն Ծ. Վրդ. Ազնիկեան եւ Հոգշ. Ս. Պարթեւ Վրդ. Կիւլիւմեան:

Առաջնորդ Սրբազանը ողջունեց բարեպաշտ հայուհիները, որոնք բացատրեցին, թէ ամէն Երեքշաբթի, իրենց զաւակները դպրոց առաջնորդելէ ետք, կը համախմբուին դպրոցի յարկին տակ, կ'ունենան հոգեւոր խորհրդածութեան պահեր, միասնաբար հոգեւոր երգեր կ'երգեն ու կը կատարեն Ս. Գրային սերտողութիւն, առաջնորդութեամբ Տիկին Ռիթա Դաւիթեանի:

Առաջնորդ Սրբազանը բարձր գնահատեց այս խմբակին տարած աշխատանքը, ընդգծելով, որ իբրեւ հայուհիներ ու մեր եկեղեցւոյ զաւակները, անոնք իրենց այս ընթացքով հաւատարմութիւն կը ցուցաբերեն մեր հաւատքի հայրերուն ու անոնց ժառանգութիւններուն: Ան յորդորեց հիւր տիկինները, որպէսզի անշեղ կերպով շարունակեն իրենց այս նախաձեռնութիւնը, պահպանեն ճշմարիտ քրիստոնէայի իրենց ընթացքը, հեռու մնալով այն անհատական ու ոչ ուղղափառ մեկնաբանութիւններէն, որոնք կը տրուին Ս. Գրային սերտողութիւններու ընթացքին՝ այլուր: Ան շեշտեց, որ իբրեւ մայրեր ու մեծ մայրեր՝ հայ տիկինները պետք է ըլլան իսկական առաջնորդներ նոր սերունդներուն համար, որովհետեւ հայ ընտանիքին հիմը, զաւակները քրիստոնէական ու ազգային ճշմարիտ ուղիին մէջ պահողները մեր մայրերն են, որոնք անցեալին ու ներկայիս յանձն առած են վսեմ առաքելութիւն մը:

Հիւր տիկիները յուշանուէր մը բերած էին Առաջնորդ Սրբազանին, որ իր կարգին անոնց նուիրեց Ազգ. Առաջնորդարանը խորհրդանշող յուշանուէրներ:

Տիկիները այնուհետեւ ծանօթացան Ազգ. Առաջնորդարանի բաժանմունքներուն, իսկ հրաժեշտէն առաջ, աղօթքի պահ մը ունեցան »Ս. Տրդատ եւ Ս. Աշխէն« մատրան մէջ: Անոնք շնորհակալութիւն յայտնեցին Առաջնորդ Սրբազանին ու հոգեւոր հայրերուն, այս ընդունելութեան համար, ու մեկնեցան գեղեցիկ յիշատակներով:

PRELATE WELCOMES BIBLE STUDY GROUP FROM SAHAG MESROB ARMENIAN CHRISTIAN SCHOOL

On Tuesday, April 20th, 2010, H.E. Archbishop Moushegh Mardirossian, Prelate, welcomed a group of parents from Sahag Mesrob Armenian Christian School, who are also members of the Bible study held at the school. The delegation was headed by the school's kindergarten director Mrs. Rita Tavitian. Very Rev. Fathers Muron Aznikian and Barthev Gulumian also participated in the meeting.

The guests informed the Prelate that they meet every Tuesday morning for spiritual meditation and Bible study.

The Prelate commended the group for the love and devotion they demonstrate towards our faith and to preserving the religious heritage of our forefathers. He encouraged them to continue their mission, stressing that it is Armenian mothers and grandmothers who establish the foundations of an Armenian family, directing our new generation to a life in accordance with our national and religious values.

The meeting concluded with an exchange of mementos.

The ladies were then given a tour of the building and participated in a prayer service at the "St. Dertad and St. Ashkhen" Chapel prior to their departure.